

Qarz oluvchining hayotini ixtiyoriy individual sug'urtalash bo'yicha OMMAVIY OFERTA

Toshkent shahri

2025 yil 28 martdagi versiya

Ushbu Ommaviy oferta (keying o'rinlarda "*Oferta*" deb ataladi) "TBC SUG'URTA" aksiyadorlik jamiyatining (keying o'rinlarda "*Sug'urtalovchi*" deb ataladi) O'zbekiston Respublikasi Istiqbolli loyihalar milliy agentligi tomonidan 12.03.2025-yilda berilgan 660718-sonli litsenziya asosida faoliyat yurituvchi, Mijozlarning nomuayyan doiradagi jismoniy shaxslariga (keying o'rinlarda "*Sug'urtalanuvchi*" deb ataladi) axborot tizimlari (keying o'rinlarda "*Axborot tizimlari*" deb ataladi) orqali quyidagi sug'urta shartlari asosida Sug'urta shartnomasini (keying o'rinlarda "*Sug'urta shartnomasi*" deb ataladi) tuzish taklifi hisoblanadi. Shartnomaning Tomonlari Sug'urtalovchi, Sug'urtalanuvchi va Naf oluvchidan iboratdir.

Sug'urta shartnomasi ommaviy oferta hisoblanadi va O'zbekiston Respublikasi Fuqarolik kodeksining 367-moddasi, 369-moddasi 2-qismi va 370-moddasiga (keying o'rinlarda "*Oferta*" deb ataladi), shuningdek, hayotni sug'urta qilish sohasining 1-, 5- toifalari va umumiy sug'urta sohasining 1-toifasiga muvofiq tuziladi hamda Mijoz ushbu Ofertada nazarda tutilgan xatti-harakatlarni amalga oshirgan vaqtdan boshlab kuchga kiradi va Mijozning ushbu Ofertaga hech qanday istisnolarsiz yoki cheklovlarsiz so'zsiz roziligini anglatadi.

Sug'urta shartnomasi ushbu Oferta shartlari qabul qilinganidan va Sug'urta mukofoti Naf oluvchining Axborot tizimlari orqali to'langanidan (keyingi o'rinlarda "*Aksept*" deb ataladi) keyin tuzilgan (akseptlangan) hisoblanadi.

Mazkur Oferta shartlariga ko'ra, O'zbekiston Respublikasi fuqarolari, O'zbekiston Respublikasi hududida doimiy yoki vaqtincha yashovchi chet el fuqarolari hamda sog'lig'i va hayoti bilan bog'liq mulkiy manfaatlari ushbu Oferta bo'yicha sug'urta obyekti bo'lgan fuqaroligi bo'lmagan shaxslar sug'urtalangan shaxslar bo'lishi mumkin.

Ushbu Oferta shartlarini qabul qilish va Sug'urta mukofotini to'lash orqali Sug'urtalanuvchi o'zining huquq va muomalaga layoqatliligini tasdiqlaydi, shuningdek, Sug'urta shartnomasini tuzish natijasida zimmasiga yuklatilgan majburiyatlar uchun javobgarlikni tushunadi.

1-BO'LIM. ASOSIY TUSHUNCHALAR VA TA'RIFLAR

Agar biron-bir tushuncha yoki ta'rifning ma'nosi qonunchilik va me'yoriy hujjatlardan kelib chiqqan holda belgilanmagan va belgilanishi mumkin bo'lmasa, bunday tushuncha yoki ta'rif o'zining odatdagi lug'aviy ma'nosida qo'llaniladi.

Ushbu Ofertada qo'llaniladigan asosiy tushunchalar va ta'riflar:

Sug'urtalovchi – "TBC SUG'URTA" AJ (STIR: 311448947, Ro'yxatdan o'tgan manzili: Toshkent shahri, Yunusobod tumani, Buyuk Turon MFY, Abdulla Qodiriy ko'chasi, 1-uy).

Sug'urtalanuvchi - Sug'urtalovchi bilan Sug'urta shartnomasini tuzadigan va Sug'urta shartnomasida kelishilgan miqdorda va muddatlarda Sug'urta mukofotini to'lash majburiyatini oladigan muomalaga layoqatli jismoniy shaxs. Ushbu Oferta shartlariga muvofiq O'zbekiston Respublikasi fuqarolari, O'zbekiston Respublikasi hududida doimiy yoki vaqtincha yashovchi chet el fuqarolari, shuningdek, fuqaroligi bo'lmagan shaxslar Sug'urtalanuvchilar bo'lishi mumkin.

Sug'urtalangan shaxs - ushbu Oferta shartlariga ko'ra, hayot faoliyati uchun zarur bo'lgan kundalik maishiy xatti-harakatlarni mustaqil ravishda amalga oshirishga qodir bo'lgan, 18 yoshdan oshgan, ammo sug'urta davri oxiriga kelib 79 yoshga to'lmagan, hayoti va sog'lig'i bilan bog'liq mulkiy manfaatlari sug'urta obyekti bo'lgan va unga nisbatan Sug'urta shartnomasi tuzilgan muomalaga layoqatli jismoniy shaxs sug'urtalangan shaxs bo'lishi mumkin.

Sug'urta shartnomasi bo'yicha Sug'urtalanuvchi Sug'urtalangan shaxs hisoblanadi.

Sug'urtalangan shaxslar Sug'urta polisida qayd etiladi.

Naf oluvchi - Sug'urta polisida ko'rsatilgan, Sug'urtalanuvchiga kredit (qarz) beradigan va Sug'urta hodisasi

yuz berganda Sug'urta badalini oladigan tijorat banki hisoblanadi.

Geografik hudud - Sug'urta hodisasi sodir bo'lganda Sug'urtalovchining Sug'urta badalini to'lash bo'yicha majburiyatlari yuzaga kelishi mumkin bo'lgan hudud. Mazkur Ommaviy oferta doirasida butun dunyo geografik hudud hisoblanadi.

Sug'urta shartnomasi - Sug'urtalovchi Sug'urta hodisasi yuz berganda Sug'urta shartnomasida ko'rsatilgan shartlar va istisnolarga muvofiq Naf oluvchiga Sug'urta badalini to'lash majburiyatini o'z zimmasiga oladigan kelishuv.

Sug'urta polisi va Sug'urta shartnomasining barcha ilovalari hamda o'zgartirishlari, shuningdek, Sug'urtalanuvchi tomonidan Axborot tizimlari orqali Sug'urtalovchiga taqdim etilgan ma'lumotlar Sug'urta shartnomasining ajralmas qismini tashkil etadi.

Sug'urtalangan shaxsning vakili - Sug'urtalangan shaxs vafot etganda, nogiron bo'lgan yoki muomalaga layoqatsiz bo'lgan taqdirda, Sug'urtalangan shaxsning merosxo'ri yoki Sug'urta hodisasiga tegishli ma'lumot/hujjatlarni taqdim etuvchi boshqa jismoniy shaxs.

Kredit shartnomasi - Axborot tizimlari orqali Qarz oluvchi (Sug'urtalanuvchi) va Naf oluvchi o'rtasida tuziladigan, barcha qo'shimchalar, o'zgartirishlar va ilovalarni o'z ichiga olgan hamda Sug'urta shartnomasini tuzish uchun asos bo'lib xizmat qiladigan shartnoma.

Baxtsiz hodisa - Sug'urta shartnomasining amal qilish muddati davomida sodir bo'lgan, tashqi xususiyatga ega bo'lgan va Sug'urtalangan shaxsning xohish-irodasiga bog'liq bo'lmagan hamda Sug'urtalangan shaxsning shikastlanishi, sog'lig'ining yomonlashishi, nogiron bo'lib qolishi yoki vafot etishiga olib kelishi mumkin bo'lgan tasodifiy, to'satdan va kutilmagan hodisa.

Sug'urta hodisasi - Sug'urta holatini keltirib chiqarishi mumkin bo'lgan hodisa.

Sug'urta holati – bu sodir bo'lgan Sug'urta hodisasi bo'lib, u yuz berganda Sug'urtalovchining Naf oluvchiga Sug'urta badalini to'lash majburiyati paydo bo'ladi.

Sug'urta davri - Sug'urta shartnomasi amal qiladigan davr. Sug'urtalovchi ushbu Sug'urta davrida yuz bergan Sug'urta holatlari bo'yicha majburiyatlarni o'z zimmasiga oladi. Sug'urta davri Sug'urta polisida ko'rsatilgan.

Nogironlik - Sug'urta davri davomida yuz bergan Baxtsiz hodisa natijasida ushbu Sug'urta davri ichida kelib chiqqan va tegishli hujjatlar bilan tasdiqlangan 1-guruh nogironligi. Ushbu Oferta doirasida 1-guruh nogironligi deganda vaqtinchalik to'liq va/yoki doimiy qisman mehnatga layoqatsizlikni o'z ichiga olmaydigan doimiy, barqaror va to'liq mehnat qobiliyatini yo'qotish tushuniladi.

Sug'urta badali - Sug'urta shartnomasida ko'rsatilgan Sug'urta holati yuz berganda Sug'urtalovchi tomonidan Naf oluvchiga Sug'urta shartnomasida nazarda tutilgan Sug'urta summasi doirasida to'lanadigan pul mablag'lari.

Sug'urta mukofoti - sug'urta to'lovining qiymati bo'lib, Sug'urtalanuvchi Sug'urtalovchiga Sug'urta shartnomasida kelishilgan muddatlarda butun Sug'urta davri uchun bir vaqtdagi to'lov majburiyatini oladigan pul mablag'lari summasida ifodalanadi.

Sug'urta summasi - Sug'urta shartnomasida kelishilgan va Sug'urtalovchining Sug'urta shartnomasi doirasida Sug'urta badalini to'lash bo'yicha majburiyatlarining cheklangan hajmini ifodalovchi summa. Sug'urta summasining miqdori Sug'urta shartnomasi shartlariga muvofiq belgilanadi va Sug'urta polisida qayd etiladi.

Sug'urta polisi - Sug'urtalangan shaxs foydasiga Sug'urta shartnomasi tuzilganligini tasdiqlovchi va Sug'urtalanuvchiga u Sug'urta mukofotini to'laganidan keyin beriladigan hujjat.

Axborot tizimlari - Naf oluvchining mijozlariga masofadan bank xizmati ko'rsatish tizimi va/yoki Sug'urtalovchining masofadan xizmat ko'rsatish tizimi.

2-BO'LIM. SHARTNOMA PREDMETI

- 2.1. Ushbu Sug'urta shartnomasining predmeti Sug'urtalovchining Sug'urta holati yuz bergan taqdirda, mazkur Oferta shartlariga muvofiq va ushbu Oferta bilan belgilangan tartibda va miqdorda Naf oluvchiga Sug'urta badalini to'lash majburiyati hisoblanadi.

3-BO' LIM. SUG'URTA SHARTNOMASINI TUZISH VA UNING AMAL QILISH TARTIBI

- 3.1 Sug'urta shartnomasi Sug'urtalanuvchi Ofertani akseptlashi bilan kuchga kiradi. Bunda Sug'urtalovchining Sug'urta badalini to'lash bo'yicha majburiyatlari Sug'urta polisi amal qila boshlagan sanadan e'tiboran, biroq Sug'urtalanuvchi tomonidan Sug'urta mukofoti to'lanmagunga qadar kuchga kiradi.
- 3.2 Sug'urta shartnomasining amal qilishi Sug'urta polisida ko'rsatilgan oxirgi sananing soat 24:00 da tugaydi, Sug'urtalanuvchining murojaati asosida yoki Kredit shartnomasini muddatidan oldin to'lash natijasida bekor qilish va muddatidan oldin to'xtatish hollari bundan mustasno, biroq Tomonlar o'z majburiyatlarini to'liq bajarishdan oldin emas.
- 3.3 Sug'urta shartnomasi Sug'urtalanuvchi tomonidan Sug'urtalovchiga Naf oluvchining Axborot tizimi orqali taqdim etilgan ma'lumotlar asosida shakllanadi.
- 3.4 Mazkur Oferta shartlarini qabul qilish va Sug'urta mukofotini to'lash orqali Sug'urtalanuvchi Sug'urta shartnomasini rasmiylashtirishda taqdim etilgan ma'lumotlar va axborotlarning ishonchliligi va to'g'riligi uchun javobgarlikni o'z zimmasiga oladi. Barcha ma'lumotlar hujjatlarning asl nusxalariga qat'iy muvofiq ravishda ko'rsatilishi kerak.
- 3.5 Sug'urtalanuvchi tomonidan Sug'urtalovchiga Naf oluvchining Axborot tizimi orqali taqdim etilgan ma'lumotlar avtomat ravishda Sug'urta polisiga kiritiladi.
- 3.6 Ushbu Sug'urta shartnomasi tomonlari quyidagilarni tasdiqlaydi: Sug'urtalanuvchi tomonidan mazkur Ofertani akseptlanishi va Sug'urta mukofotining to'lanishi, shuningdek, Sug'urtalanuvchi tomonidan Sug'urta polisining olinishi (Sug'urtalovchi tomonidan Sug'urtalanuvchining ariza to'ldirish vaqtida ko'rsatgan mobil telefon raqamiga Sug'urta polisiga havolani o'z ichiga olgan SMS-xabar yuborish orqali) Sug'urta shartnomasi tegishli ravishda tuzilgan deb hisoblanadi.
- 3.7 Sug'urta shartnomasi (polislar) bo'yicha to'lovlar Axborot tizimlari orqali amalga oshiriladi.
- 3.8 Sug'urta davri bir yil va undan ortiq muddatga belgilanishi mumkin.

4-BO' LIM. SUG'URTA SHARTNOMASINI BEKOR QILISH TARTIBI

- 4.1. Sug'urta shartnomasi quyidagi hollarda haqiqiy emas deb topiladi va Sug'urtalovchi Sug'urta shartnomasi bo'yicha barcha majburiyatlardan ozod etiladi:
 - a) Sug'urta badalini olish maqsadida Sug'urtalanuvchi qasddan noto'g'ri ma'lumotlar va/yoki axborotni taqdim etganda;
 - b) Sug'urta shartnomasi tuzilgan sanada Sug'urtalanuvchi muomalaga layoqatsiz bo'lganda;
 - c) Agar Naf oluvchi tomonidan qonun hujjatlari va/yoki Naf oluvchining vakolatli organi qarori talablari munosabati bilan kreditni bekor qilish to'g'risida qaror qabul qilingan bo'lsa;
 - d) Sug'urtalanuvchi Naf oluvchi va/yoki Sug'urtalovchining tegishli tekshiruvdan o'tmaganligi sababli Sug'urtalanuvchining mablag'lari bloklangan/muzlatilgan/bekor qilinganda;
 - e) O'zbekiston Respublikasining amaldagi qonun hujjatlarida nazarda tutilgan boshqa hollarda.
- 4.2. Sug'urta shartnomasi haqiqiy emas deb topilgan taqdirda, Sug'urta polisi u rasmiylashtirilgan sanadan boshlab bekor qilinishi lozim. Bunda Sug'urta mukofoti qaytarilmaydi, 4.1 (c) va (d) bandlarda ko'rsatilgan holatlar bundan mustasno. Bunday hollarda Sug'urta mukofoti kredit qarzdorligini to'liq yopish maqsadida Naf oluvchiga o'tkazilishi lozim.
- 4.3. Sug'urta shartnomasi quyidagi hollarda bekor qilinadi:
 - a) Sug'urtalovchi ushbu Sug'urta shartnomasi bo'yicha o'z majburiyatlarini to'liq hajmda bajarganda;
 - b) Sug'urtalanuvchi Kredit shartnomasi bo'yicha majburiyatlarini muddatidan oldin to'liq bajarganda yoki ko'paytirilgan miqdordagi yangi kredit olishi munosabati bilan Kredit shartnomasi muddatidan oldin to'liq yopilganda;
 - c) ushbu Sug'urta shartnomasi sud qaroriga ko'ra haqiqiy emas deb topilganda;

- d) Sug'urtalanuvchi 79 yoshga to'lganda;
 - e) Sug'urta davri tugaganida;
 - f) Sug'urtalovchining faoliyati tugatilganda;
 - g) Sug'urtalanuvchining tashabbusi bilan Sug'urta shartnomasi muddatidan oldin bekor qilinganda. Bunda, agar Sug'urta holati yuz bermagan va u bo'yicha to'lovlar amalga oshirilmagan bo'lsa, Sug'urta shartnomasidan istalgan vaqtda voz kechish mumkin.
 - h) O'zbekiston Respublikasi qonun hujjatlarida nazarda tutilgan boshqa hollarda.
- 4.4. Ushbu Sug'urta shartnomasining amal qilish muddati Sug'urtalovchining Axborot tizimlari orqali Sug'urtalanuvchining murojaati asosida Sug'urtalanuvchining tashabbusiga ko'ra muddatidan oldin tugatilishi mumkin. Sug'urtalanuvchining murojaati asosida muddatidan oldin tugatilganda qaytarilishi lozim bo'lgan Sug'urta mukofotini hisoblash quyidagi tartibda amalga oshiriladi:
- 4.4.1 Sug'urtalanuvchi Sug'urta shartnomasi tuzilgandan keyin 48 (qirq sakkiz) soat ichida murojaat qilgan taqdirda to'langan Sug'urta mukofotining 100 (yuz) foizi qaytarilishi lozim;
 - 4.4.2 Sug'urtalanuvchi Sug'urta shartnomasi tuzilganidan so'ng 48 (qirq sakkiz) soatdan ortiq vaqt o'tgach murojaat qilgan holda, sug'urtaning qolgan amal qiluvchi muddati uchun Sug'urta mukofotining 90 (to'qson) foizi qaytarilishi shart. Bunda, Axborot tizimlari orqali murojaat qilingan sanadan keyingi sanadan boshlanadigan va Sug'urta polisida ko'rsatilgan Sug'urta davrining oxirgi sanasi bilan tugaydigan vaqt davri Sug'urtaning tugamagan davri hisoblanadi.
- 4.5. Ushbu Sug'urta shartnomasi muddatidan oldin bekor qilinganda Sug'urtalanuvchi tomonidan to'langan Sug'urta mukofoti Sug'urtalanuvchi tomonidan tegishli tarzda Sug'urtalovchiga xabar berilgan vaqtdan boshlab 10 ish kuni ichida qaytariladi.
- 4.6. Ushbu Sug'urta shartnomasi Sug'urtalanuvchi tomonidan Kredit shartnomasi bo'yicha majburiyatlarning to'liq muddatidan oldin bajarilishi sababli Sug'urtalovchi tomonidan muddatidan oldin bekor qilinganda, Sug'urta mukofoti qaytarilmaydi, Kredit shartnomasi tuzilganidan keyin 24 soat ichida kreditni muddatidan oldin to'liq qoplash amalga oshirilgan va Sug'urtalanuvchining Mukofotni qaytarish to'g'risidagi murojaati mavjud bo'lgan hollar bundan mustasno. Bu holda to'langan Sug'urta mukofotining 100 (yuz) foizi qaytariladi. Kredit shartnomasi tuzilgandan so'ng 24 (yigirma to'rt) soat o'tgach murojaat qilinganda, agar Tomonlarning kelishuvida boshqacha tartib nazarda tutilmagan bo'lsa, Mukofot qaytarilmaydi.
- 4.7. Ko'paytirilgan summaga yangi kredit olish munosabati bilan Sug'urtalanuvchining krediti qaytarilgan taqdirda, Sug'urtalovchi joriy Sug'urta shartnomasining amal qilish muddatini avtomat tarzda muddatidan oldin to'xtatadi va yangi Sug'urta polisini to'lash maqsadida joriy Sug'urta shartnomasi bo'yicha to'langan Sug'urta mukofoti (badal) ning kredit majburiyatlarining bajarilmagan miqdoriga mutanosib qismini xuddi shu shartlarda yangi Sug'urta shartnomasiga o'tkazish yo'li bilan o'zaro hisobga olishni amalga oshiradi. Ushbu holatda majburiyatlarning bajarilmagan miqdori Sug'urtalanuvchi tomonidan yangi Kredit olish uchun Naf oluvchi tomonning Axborot tizimlaridan foydalangan holda so'rov yuborilgan vaqtdagi joriy Kredit shartnomasi bo'yicha Sug'urtalanuvchi asosiy qarzining amaldagi qoldiq miqdori hisoblanadi.
- 4.8. Kredit shartnomasining amal qilishi to'xtatilgan taqdirda, to'xtatish sabablaridan qat'i nazar, Sug'urtalovchining Sug'urta to'lovlarini amalga oshirish bo'yicha mazkur Sug'urta shartnomasiga ko'ra majburiyatlari Kredit shartnomasining amal qilishi to'xtatilganligi to'g'risida Sug'urtalovchiga amalda xabar berilgan sanadan qat'i nazar, Kredit shartnomasi to'xtatilgan sanadan boshlab to'xtatiladi.
- 4.9. Sug'urtalanuvchi ushbu Sug'urta shartnomasining amal qilishini Sug'urtalovchi o'z majburiyatlarini buzganligi sababli muddatidan oldin to'xtatishni talab qilganda, to'langan Sug'urta mukofoti Sug'urtalanuvchiga to'liq hajmda qaytariladi.

5-BO'LIM. SUG'URTA HODISALARI VA SUG'URTA HOLATLARI

- 5.1. Sug'urta hodisasi yuz berib, u Sug'urta holatiga olib kelgan taqdirda, Sug'urtalovchi Naf oluvchiga Sug'urta summasi doirasida va ushbu Sug'urta shartnomasida ko'rsatilgan muddatlar, shartlar hamda istisnolarga muvofiq ravishda Sug'urta badalini to'lash majburiyatini o'z zimmasiga oladi.
- 5.2. Ushbu Ofertaga muvofiq Sug'urta holati quyidagi hodisalardan birining sodir bo'lishi hisoblanadi, agar u Sug'urta davri davomida va belgilangan Geografik hudud doirasida yuz bergan bo'lsa:
- a) Sug'urtalangan shaxsga Sug'urta davrida sodir bo'lgan Baxtsiz hodisa natijasida 1-guruh nogironlik berilishi, mazkur Ofertaning 6-bo'limida ko'rsatilgan holatlar bundan mustasno. Ushbu Sug'urta shartnomasi doirasida 1-guruh nogironligi deganda Sug'urtalangan shaxsning doimiy, barqaror va to'liq mehnat qobiliyatini yo'qotishi tushuniladi. Bu tushunchaga vaqtinchalik to'liq va/yoki doimiy qisman mehnatga layoqatsizlik holatlari kirmaydi. Vakolatli organ tomonidan tegishli hujjat berilgan sana nogironlik belgilangan sana hisoblanadi;
 - b) Sug'urtalangan shaxsning ushbu Ofertaning 6-bo'limida ko'rsatilgan holatlardan tashqari har qanday sababga ko'ra vafot etishi.
- 5.3. Ushbu Ofertaning 5.2-bandida ko'rsatilgan hodisalar faqat vakolatli organlar tomonidan berilgan hujjatlar bilan tasdiqlangan va ushbu Sug'urta shartnomasining 9-bo'limida belgilangan tartibda va muddatlarda Sug'urtalovchiga taqdim etilgan taqdirdagina Sug'urta holati deb tan olinadi.

6-BO'LIM. SUG'URTA TO'LOVIDAN MUSTASNOLAR

- 6.1. Agar Sug'urta holati bevosita yoki bilvosita quyidagi hodisalar tufayli yuzaga kelgan yoki sodir bo'lgan bo'lsa, Sug'urtalovchi Sug'urta badalini to'lash majburiyatidan ozod etiladi:
- a) harbiy harakatlar, harbiy manyovrlar, fuqarolar tartibsizliklari, isyonlar yoki boshqa harbiy tadbirlar;
 - b) yadroviy portlash, radiatsiya yoki radioaktiv zararlanish, kimyoviy yoki bakteriologik zararlanish ta'siri;
 - c) giyohvandlik, zaharli, psixotrop moddalar yoki spirtli ichimliklarni iste'mol qilish va ularning har qanday asoratlari; shuningdek, agar Sug'urtalangan shaxs Sug'urta holati sodir bo'lgan vaqtda spirtli ichimliklar va/yoki giyohvandlik, va/yoki zaharli, va/yoki psixotrop moddalar ta'sirida bo'lgan bo'lsa, giyohvandlik va/yoki psixotrop moddalar mavjud sog'liq holatiga ko'ra litsenziyalangan shifokor tomonidan buyurilgan holatlar bundan mustasno;
 - d) Sug'urta shartnomasi bo'yicha Sug'urta holati yuz berishidan manfaatdor bo'lishi mumkin bo'lgan uchinchi shaxslarning yoki Sug'urtalanuvchi merosxo'rlarining, shuningdek, ularning topshirig'iga binoan harakat qiluvchi va Sug'urta holati yuz berishiga qaratilgan shaxslarning qasddan qilgan xatti-harakatlari;
 - e) o'z joniga qasd qilish yoki o'z joniga qasd qilishga urinish oqibatlari, agar bu vaqtga kelib Sug'urta shartnomasi ikki yildan kam amal qilgan bo'lsa;
 - f) Sug'urtalanuvchi tomonidan sodir etilgan harakatlarida tergov organlari yoki sud tomonidan qasddan huquqbuzarlik belgilari aniqlangan hollarda, bundan Sug'urtalanuvchining o'z fuqarolik burchini bajarishi yoki o'zining yoxud uchinchi shaxslarning hayoti, sog'lig'i, sha'ni va qadr-qimmatini himoya qilish bilan bog'liq bo'lgan holatlar mustasno;
 - g) Sug'urtalangan shaxsning yuqori xavf bilan bog'liq faoliyatlarda ishtirok etishi: jangovar sport turlari, ovchilik, ekstremal va professional sport, aviatsiya hamda havo sporti bilan shug'ullanishi;
 - h) tegishli haydovchilik guvohnomasiga ega bo'lmagan holda transport vositasini va/yoki boshqa mexanik transport vositasini boshqarish, shuningdek, alkohol, giyohvand modda, zaharli yoki psixotrop moddalar ta'siri ostida transport vositasini va/yoki boshqa mexanik transport vositasini boshqarish;
 - i) Sug'urtalangan shaxsning politsiya, dengiz floti, armiya, havo kuchlari yoki harbiy operatsiyalar/mashg'ulotlarda xizmat qilishi yoki ishtirok etishi;

- j) Sug'urtalangan shaxsning portlovchi moddalar, harbiy jihozlar, neft mahsulotlari va xavfli kimyoviy moddalar bilan bog'liq kasbiy faoliyati;
- k) agar ushbu Sug'urta shartnomasini tuzish sanasida Sug'urtalanuvchida 2-guruh yoki 3-guruh nogironligi mavjud bo'lgan bo'lsa, Sug'urta davri mobaynida Sug'urtalanuvchiga 1-guruh nogironligi belgilanishi. Ushbu bandning qoidalari faqat nogironlik holati yuzaga kelishi bilan bog'liq sug'urta hodisalariga nisbatan qo'llaniladi.

6.2. Sug'urtalovchi quyidagi hollarda Sug'urta to'lovidan ozod etiladi:

- 6.2.1. Sug'urta shartnomasini tuzishda va/yoki Sug'urta hodisasi yuz berganda taqdim etilgan ma'lumotlar hujjatlarning asl nusxalariga mos kelmaganda;
- 6.2.2. Naf oluvchi/Sug'urtalangan shaxs/Sug'urtalangan shaxsning vakili Sug'urta holatining yuzaga kelishi va/yoki vaziyatlarini va/yoki sabablarini tasdiqlash uchun noto'g'ri ma'lumotlar va/yoki hujjatlarni taqdim etgan bo'lsa;
- 6.2.3. Sug'urtalovchiga ushbu Sug'urta shartnomasining 9-bo'limida ko'rsatilgan hujjatlar mazkur Sug'urta shartnomasining 9-bo'limida belgilangan tartibda va muddatlarda taqdim etilmaganda;
- 6.2.4. O'zbekiston Respublikasining amaldagi qonun hujjatlarida nazarda tutilgan boshqa hollarda.

6.3. Sug'urtalovchi hech qanday vaziyatda ushbu Sug'urta shartnomasida ko'rsatilmagan yoki aks ettirilmagan majburiyatlar bo'yicha javobgarlikni o'z zimmasiga olmaydi. Sug'urtalovchi Sug'urta polisi kuchga kirmasidan oldin va uning amal qilish muddati tugaganidan keyin sodir bo'lgan voqealar bo'yicha hech qanday majburiyatlarni zimmasiga yuklamaydi.

7-BO'LIM. TOMONLARNING MAS'ULIYATLARI

7.1. Sug'urtalovchi o'z vakolati doirasidan tashqarida bo'lgan voqealar va holatlar, shuningdek, uchinchi shaxslarning harakatlari (harakatsizligi) natijasida yuzaga kelgan salbiy oqibatlar va zararlar uchun javobgar bo'lmaydi, ya'ni:

- Sug'urtalanuvchi/Sug'urtalangan shaxsning vakili tomonidan taqdim etilgan ma'lumotlar va hujjatlar ishonchsizligi, yetarli emasligi yoki o'z vaqtida taqdim etilmaganligi yoxud Sug'urtalanuvchi/Sug'urtalangan shaxsning vakili tomonidan ushbu Sug'urta shartnomasi shartlari yoki hujjatlarga qo'yiladigan talablar buzilganligi oqibatida o'z zimmasiga olgan majburiyatlarni bajarish mumkin bo'lmagan taqdirda;
- hujjatlarning haqiqiyliги va to'g'ri rasmiylashtirilganligi (ulardagi ma'lumotlarning to'g'riligi va to'liqligi) uchun.

7.2. Tomonlar ushbu Oferta bo'yicha o'z majburiyatlarini bajarmaganliklari va/yoki lozim darajada bajarmaganliklari uchun mazkur Oferta va O'zbekiston Respublikasining amaldagi qonunchiligida belgilangan tartibda va shartlarda javobgar bo'ladilar.

7.3. Tomonlar ushbu Oferta bo'yicha o'z majburiyatlarini bajarmaslik yengib bo'lmaz kuch (fors-major) holatlari tufayli yuzaga kelgan bo'lsa, javobgarlikdan ozod qilinadilar. Bartaraf etib bo'lmaydigan kuch holatlari ta'sirida qolgan taraf birinchi imkoniyat tug'ilishi bilanoq boshqa tarafni mazkur holatlar yuzaga kelganligi va ularning amal qilishi mumkin bo'lgan muddat to'g'risida, lekin bunday holatlar yuzaga kelganidan keyin 30 (o'ttiz) kalendar kunidan kechiktirmay xabardor qilishi shart.

7.4. Sud tomonidan ushbu Ofertaning biror qoidasining haqiqiy emas deb topilishi uning qolgan qoidalarining haqiqiy emasligiga olib kelmaydi.

8-BO'LIM. TOMONLARNING HUQUQ VA MAJBURIYATLARI

8.1. Sug'urtalanuvchi huquqlari:

- a) Sug'urta shartnomasining amal qilish muddati davomida uning shartlari bo'yicha Sug'urtalovchidan maslahatlar olish;
- b) Sug'urtalovchidan u Sug'urta shartnomasi bo'yicha qabul qilgan majburiyatlarning bajarilishini talab qilish;
- c) Sug'urtalovchiga u tomonidan nazarda tutilgan usulda murojaat qilish yo'li bilan Sug'urta shartnomasining amal qilishini muddatidan oldin to'xtatish.

8.2. Sug'urtalanuvchi / Sug'urtalangan shaxs vakilining majburiyatlari:

- a) Sug'urta shartnomasida nazarda tutilgan miqdorda va muddatlarda Sug'urta mukofotini o'z vaqtida to'lash;
- b) Sug'urta shartnomasini tuzish vaqtida mazkur Shartnomani tuzish uchun talab qilinadigan barcha muhim axborot va ma'lumotlarni xabar qilish, shuningdek, taqdim etilgan axborotning to'g'riligi va ishonchliligini ta'minlash;
- c) Sug'urta shartnomasi doirasida Sug'urtalovchiga Sug'urta badalini to'lash talabiga olib kelishi mumkin bo'lgan hodisa yuz berganda, uning yuz bergani haqida Sug'urtalovchini darhol xabardor qilish va ushbu Ofertaning 9.1-bandida ko'rsatilgan barcha hujjatlarni ushbu Ofertaning 9.1-bandida ko'rsatilgan muddatlarda va usulda taqdim etish.

8.3. Sug'urtalovchi huquqlari:

- a) Naf oluvchi tomonidan Sug'urta badalini to'lash to'g'risida talab qo'yilganda Sug'urta shartnomasi bo'yicha majburiyatlarning, shu jumladan Sug'urtalanuvchining zimmasida bo'lgan, lekin u tomonidan bajarilmagan majburiyatlarning bajarilishini Naf oluvchidan talab qilish. Sug'urtalanuvchi tomonidan ilgari bajarilishi lozim bo'lgan majburiyatlarning bajarilmasligi yoki o'z vaqtida bajarilmasligi oqibatlari xavfi Naf oluvchi zimmasida bo'ladi;
- b) Sug'urta shartnomasi tuzilgandan so'ng Sug'urtalanuvchi Sug'urtalovchiga ushbu Ofertaning 8.2 (b)-bandida ko'rsatilgan holatlar to'g'risida bila turib yolg'on ma'lumot berganligi aniqlangan taqdirda, Sug'urta shartnomasini haqiqiy emas deb topishni va O'zbekiston Respublikasining amaldagi qonunchiligida nazarda tutilgan oqibatlarni qo'llashni talab qilish;
- c) Agar Naf oluvchi ushbu Ofertaning 9.1-bandida nazarda tutilgan muddat ichida Sug'urta holatini aniqlash uchun zarur bo'lgan hujjatlar va ma'lumotlarni taqdim etmasa, to'lovni rad etish;
- d) Agar Sug'urta holati yuz berishiga sabab bo'lgan holatlar bo'yicha jinoiy ish qo'zg'atilgan yoki sud jarayoni boshlangan bo'lsa, Sug'urtalangan shaxsga nisbatan tergov yoki sud muhokamasi tugaguniga qadar yoxud Sug'urtalangan shaxsning aybsizligi aniqlanguniga qadar Sug'urta to'lovi to'g'risida qaror qabul qilishni kechiktirish;
- e) Tomonlarning kelishuviga ko'ra Sug'urta shartnomasiga o'zgartirish va qo'shimchalar kiritish. Bunda agar ushbu o'zgarishlar Sug'urtalanuvchi uchun Shartnoma shartlarini yaxshilasa, Sug'urtalovchi mazkur o'zgarishlarni Sug'urtalanuvchi va/yoki Naf oluvchi bilan kelishish majburiyatidan ozod etiladi;
- f) Sug'urta shartnomasining amal qilish muddati mobaynida Naf oluvchidan Sug'urtalanuvchining to'lov qobiliyati holati (Kredit shartnomasi talablariga muvofiq), Kredit shartnomasining joriy bajarilishi va unga kiritilayotgan o'zgartirishlar to'g'risida axborot so'rash.

8.4. Sug'urtalovchi majburiyatlari:

- a) Sug'urtalanuvchiga sug'urta polisini berish;
- b) Sug'urta holati yuz berganda Naf oluvchiga Sug'urta badalini Sug'urta shartnomasida belgilangan tartibda va muddatlarda to'lash;
- c) o'zining kasbiy faoliyati natijasida Sug'urtalanuvchining sog'lig'i va mulkiy ahvoli to'g'risidagi

olingan ma'lumotlarni, shuningdek, Kredit shartnomasida ko'rsatilgan tijorat shartlari bo'yicha Naf oluvchining axborotini oshkor qilmaslik;

- d) Naf oluvchining yozma talabiga ko'ra unga Sug'urtalanuvchi tomonidan Sug'urta shartnomasi shartlari bajarilish jarayoni to'g'risida axborot taqdim etish;
- e) oqilona muddatlarda, biroq 30 (o'ttiz) kalendar kundan ortiq bo'lmagan muddatda Sug'urtalanuvchi va Naf oluvchiga Sug'urta shartnomasiga o'zgartirish va qo'shimchalar kiritish yoki uni bekor qilish niyati to'g'risida yozma shaklda xabar berish;
- f) Sug'urtalanuvchining Sug'urta shartnomasi bo'yicha o'z majburiyatlarini bajarish qobiliyatiga ta'sir ko'rsatuvchi holatlar yuzaga kelgan taqdirda, shuningdek, Sug'urta shartnomasi bo'yicha tavakkalchilik darajasining oshishiga jiddiy ta'sir ko'rsatuvchi holatlar aniqlangan taqdirda, Naf oluvchini xabardor qilish.

8.5. Naf oluvchi huquqlari:

- a) Sug'urtalovchidan u Sug'urta shartnomasi bo'yicha qabul qilgan majburiyatlarning bajarilishini talab qilish;
- b) Sug'urtalovchiga Sug'urta shartnomasiga o'zgartirish va qo'shimchalar kiritish to'g'risida yozma shaklda murojaat qilish;
- c) Sug'urta shartnomasining amal qilish muddati mobaynida Sug'urtalovchidan Sug'urtalanuvchining Sug'urta shartnomasi shartlari bajarganligi to'g'risida axborot so'rash;
- d) Sug'urta shartnomasining amal qilish muddati davomida uning shartlari bo'yicha Sug'urtalovchidan maslahatlar olish;
- e) Naf oluvchi tomonidan kreditni bekor qilish to'g'risida qaror qabul qilingan taqdirda, Sug'urtalovchidan Sug'urta shartnomasining amal qilishini muddatidan oldin to'xtatishni, bu haqda Sug'urtalovchini Axborot tizimlari orqali xabardor qilishni talab qilish.

8.6. Naf oluvchi majburiyatlari:

- a) Sug'urta shartnomasida nazarda tutilgan majburiyatlarni bajarish;
- b) Kredit shartnomasining amal qilishi muddatidan oldin to'xtatilganligi to'g'risida Sug'urtalovchini xabardor qilish;
- c) Ushbu Ofertaning 9.1- va 10.3-bandlarida belgilangan muddatlarda Sug'urta hodisasi belgilariga ega bo'lgan hodisa yuz berganda, barcha zarur hujjatlarni taqdim etgan holda uning yuz bergani haqida Sug'urtalovchini xabardor qilish;
- d) Sug'urtalovchining so'roviga ko'ra Sug'urtalanuvchining to'lov qobiliyati holati (Kredit shartnomasi talablariga muvofiq), Kredit shartnomasining joriy bajarilishi va unga kiritilayotgan o'zgartirishlar to'g'risida axborot taqdim etish.

8.7. Naf oluvchi foydasiga Sug'urta shartnomasining tuzilishi Sug'urtalanuvchini uning Sug'urta shartnomasi bo'yicha o'z majburiyatlarini bajarishdan ozod etmaydi.

9-BO'LIM. SUG'URTA DA'VOSINI KO'RIB CHIQISH

9.1. Sug'urtalovchining Sug'urta badalini to'lash bo'yicha majburiyati yuzaga kelishi mumkin bo'lgan hodisa yuz berganda, Sug'urtalanuvchi va/yoki Sug'urtalangan shaxsning vakili darhol, biroq u yuz bergan yoki uning yuz berganligini tasdiqlovchi hujjatlar olingan vaqtdan e'tiboran 30 (o'ttiz) kalendar kundan kechiktirmay, Sug'urtalovchining Axborot tizimlari orqali Sug'urtalovchiga sodir bo'lgan hodisaning sabablari va holatlari bayon etilgan sug'urta badalini to'lash to'g'risidagi arizani yozma shaklda taqdim etishi, shuningdek, quyidagi hujjatlarni ilova qilishi shart:

- a) Sug'urtalangan shaxs vafot etganda, o'lim haqidagi tibbiy guvohnomaning asl nusxasi yoki nusxasi ilova qilingan holda o'lim haqidagi guvohnomaning asl nusxasi yoki nusxasi;

- b) 1-guruh nogironligi yuzaga kelganda, VTEKning 1-guruh nogironligi belgilanganligi to'g'risidagi, mehnat qobiliyatini to'liq doimiy yo'qotganligini tasdiqlovchi, uni bergan tashkilot tomonidan tasdiqlangan ma'lumotnomaning asl nusxasi yoki nusxasi;
 - c) agar o'lim yoki nogironlik baxtsiz hodisa oqibatida yuz bergan bo'lsa, baxtsiz hodisani tasdiqlovchi va yuz bergan hodisa joyi, holati va sabablari to'g'risidagi ma'lumotlarni o'z ichiga olgan hujjatning asl nusxasi yoki nusxasi;
 - d) Sug'urta holati yuz bergan vaqtda Kredit shartnomasi bo'yicha asosiy qarz va hisoblangan foizlar bo'yicha Sug'urtalanuvchi tomonidan to'lanmagan qarzdorlik miqdori to'g'risida Naf oluvchi tomonidan imzolangan ma'lumotnomaning asl nusxasi yoki nusxasi.
- 9.2. Zarurat bo'lganda, Sug'urtalovchi Sug'urta holati bilan bog'liq qo'shimcha ma'lumotlar va hujjatlarni, shuningdek, Sug'urtalovchiga ilgari taqdim etilgan hujjatlarning asl nusxalarini yoki notarial tasdiqlangan ko'chirma nusxalarini so'rab olishga haqli.
- 9.3. Zarur hollarda, Sug'urtalovchi Sug'urta holati bilan bog'liq ma'lumotlar va hujjatlarni huquqni muhofaza qiluvchi organlardan va/yoki bunday ma'lumotlarga ega bo'lgan boshqa muassasalar va tashkilotlardan so'rab olishga, shuningdek, Sug'urta holatining kelib chiqish sabablari va vaziyatlarini mustaqil ravishda aniqlashga haqli.
- 9.4. Ko'rsatilgan hujjatlarni olgandan so'ng, Sug'urtalovchi belgilangan tartibda xabar qilingan hodisani o'rganadi, xususan, taqdim etilgan hujjatlarning ishonchliligi to'g'risida ularni bergan muassasalar/idoralardan tasdiqnomalar oladi, shundan so'ng sodir bo'lgan hodisaning Sug'urta holati ta'rifiga muvofiqligi to'g'risida qaror qabul qiladi.
- 9.5. Sug'urtalovchi ushbu Ofertaning 9.1-bandida ko'rsatilgan hujjatlarning to'liq ro'yxatini taqdim etishni talab qilmasdan Sug'urta hodisasini Sug'urta holati deb tan olish yoki tan olmaslik to'g'risida qaror qabul qilishi mumkin.
- 9.6. Qaror barcha zarur hujjatlar, shu jumladan sodir bo'lgan hodisaning holatlarini aniqlash va/yoki uning Sug'urta holati ta'rifiga muvofiqligini aniqlash va/yoki yetkazilgan zarar miqdorini aniqlash uchun zarur bo'lgan qo'shimcha so'ralgan ma'lumotlar (axborotlar), shu jumladan chet tashkilotlardan olinganidan so'ng 15 (o'n besh) ish kun ichida qabul qilinadi.
- 9.7. Agar Sug'urta holati yuz berishiga sabab bo'lgan holatlar bo'yicha jinoiy ish qo'zg'atilgan yoki sud jarayoni boshlangan bo'lsa, Sug'urtalovchi Sug'urta badali to'g'risidagi qarorni tergov yoki sud muhokamasi tugaguniga qadar yoxud Sug'urtalangan shaxsning yoki Naf oluvchining aybsizligi aniqlanganiga qadar kechiktirishga haqli.
- 9.8. Sug'urta badalini to'lash rad etilgan taqdirda, Sug'urtalovchi Sug'urta holati bo'yicha qaror qabul qilinganidan keyin 15 (o'n besh) ish kunidan kechiktirmay bu haqda Naf oluvchiga xabar berishi kerak. Rad etishda uning sabablari asoslantirilgan holda ko'rsatilishi kerak.

10-BO'LIM. SUG'URTA TO'LOVI MIQDORI VA UNI AMALGA OSHIRISH TARTIBI

- 10.1. Sug'urta badalini miqdori Sug'urtalovchi tomonidan Sug'urta hodisasi yuz berganligini tasdiqlovchi hujjat olingan sanada Kredit shartnomasi bo'yicha Sug'urtalanuvchining Naf oluvchi oldidagi asosiy qarz (ham joriy, ham muddati o'tgan qarzdorlik) va foizlar (ham hisoblangan, ham muddati o'tgan, biroq jarimalar, penyal va kreditni so'ndirish bilan bog'liq har qanday boshqa yuzaga keladigan majburiyatlar va/yoki to'lovlar bundan mustasno) qismi bo'yicha qarzdorlik sifatida aniqlanadi.
- 10.2. Sug'urta shartnomasi bo'yicha Sug'urta badalining miqdori Sug'urta summasi bilan cheklangan.
- 10.3. Bunda Naf oluvchi tomonidan Sug'urta holati yuz berganligini tasdiqlovchi hujjat olingan taqdirda, Naf oluvchi ushbu hujjatni u olingan sanadan keyingi ish kunidan kechiktirmay Sug'urtalovchiga taqdim etishi shart.
- 10.4. Sug'urtalovchi Sug'urta holati bo'yicha qaror qabul qilgandan so'ng 3 (uch) ish kuni ichida Sug'urta holatini tartibga solish dalolatnomasini tuzadi, uning asosida Tomonlar Dalolatnoma imzolanganidan

so'ng 5 (besh) ish kuni ichida Sug'urta badalini Naf oluvchining hisob raqamiga pul mablag'larini o'tkazish orqali to'laydi.

11-BO'LIM. NIZOLARNI KO'RIB CHIQISH TARTIBI

- 11.1 Ushbu Ofertada nazarda tutilgan yoki u bilan bog'liq masalalar bo'yicha nizolar, talablar yoki kelishmovchiliklar yuzaga kelgan taqdirda, Tomonlar ularni muzokaralar yo'li bilan hal qilish choralarini ko'radilar. Da'vo tartibi majburiy hisoblanadi.
- 11.2. Ushbu Ofertadan yoki u bilan bog'liq holda kelib chiqadigan nizolar, kelishmovchiliklar yoki talablarni, jumladan uning bajarilishi, unga rioya etilmasligi, bekor qilinishi yoki haqiqiy emasligi bilan bog'liq masalalarni, muzokaralar yo'li bilan hal etish imkoni bo'lmagan taqdirda, ular Sug'urtalovchining joylashgan manzilidagi vakolatli sudda ko'rib chiqilishi shart.

12-BO'LIM. BOSHQA SHARTLAR

- 12.1. Tuzilgan Sug'urta shartnomasiga kiritiladigan barcha qo'shimcha va o'zgartirishlar tomonlarning o'zaro roziligi bilan yozma ravishda amalga oshirilishi lozim, o'zgartirishlar Sug'urtalanuvchi uchun Shartnoma shartlarini yaxshilaydigan hollar bundan mustasno.
- 12.2. Sug'urtalanuvchi/Sug'urtalangan shaxs Sug'urta shartnomasini tuzish vaqtida Sug'urtalovchiga quyidagilar bo'yicha rozilik beradi:
 - 12.2.1. o'zining shaxsiy ma'lumotlarini, shu jumladan F.I.Sh., pasport va aloqa ma'lumotlari, JSHSHIR, STIR, shifokorlik sirini tashkil etuvchi ma'lumotlar, Sug'urta shartnomasi shartlarini tuzish va bajarish, marketing tadqiqotlarini o'tkazish, shuningdek, yangi mahsulotlar va xizmatlarni ishlab chiqish, shu jumladan Hamkor tashkilotlar bilan birgalikda ishlab chiqish maqsadida Sug'urtalovchi va uning hamkorlariga beriladigan hujjatlardagi ushbu Shartnoma maqsadlariga mos keladigan boshqa ma'lumotlarni qayta ishlash. Shaxsga doir ma'lumotlarga ishlov berish deganda: Shartnoma bo'yicha majburiyatlarni bajarish uchun shaxsga doir ma'lumotlarni to'plash, tizimlashtirish, yig'ish, saqlash, aniqlashtirish (yangilash, o'zgartirish), ulardan foydalanish, ularni egasizlantirish, bloklash, yo'q qilish, shuningdek, ular bilan boshqa xatti-harakatlarni amalga oshirish tushuniladi;
 - 12.2.2. sug'urta sirini tashkil etuvchi ma'lumotlarni (jumladan, sug'urtalanuvchilar, sug'urtalangan shaxslar va naf oluvchilar haqidagi, sug'urtalanuvchilar va sug'urtalangan shaxslar sog'lig'ining holati to'g'risidagi, shuningdek, sug'urta summasi bilan bog'liq ma'lumotlarni) Sug'urtalovchiga hamda uning hamkorlariga uzatish;
 - 12.2.3. Sug'urta shartnomasida, shuningdek, boshqa tegishli hujjatlarda mavjud bo'lgan ma'lumotlarni Kredit byurosiga uzatish. Rozilik, shu jumladan, "Shaxsga doir ma'lumotlar to'g'risida"gi O'zbekiston Respublikasi Qonuniga va "Sug'urta faoliyati to'g'risida"gi O'zbekiston Respublikasi Qonuniga, shuningdek, "Kredit axboroti almashinuvi to'g'risida"gi O'zbekiston Respublikasi Qonuniga muvofiq berilgan.
- 12.3. Tomonlar o'z rekvizitlari, shu jumladan manzili o'zgarganligi to'g'risida yozma xabarnoma yuborish va Sug'urta shartnomasiga qo'shimcha kelishuv tuzish orqali darhol xabar berish majburiyatini oladilar. Tegishli xabarnoma va qo'shimcha kelishuvsiz, Sug'urta shartnomasi doirasidagi barcha xabarnomalar dastlabki manzil/rekvizitlarga yuboriladi va manzili o'zgarganligi haqida xabar bermagan Tomon bu bilan bog'liq xavflarni o'z zimmasiga oladi.
- 12.4. Sug'urta shartnomasida ko'rsatilmagan tomonlar o'rtasidagi munosabatlar O'zbekiston Respublikasining amaldagi qonunchiligiga muvofiq tartibga solinadi.
- 12.5. Jinoiy faoliyatdan olingan daromadlarni legallashtirishga qarshi kurashish (keyingi o'rinlarda "AML") talablari:
 - Sug'urtalovchi OFAC, FATF, YI, BMT, Fransiya sanksiyalar ro'yxati (Iqtisodiyot va moliya

vazirliklari), shuningdek, Buyuk Britaniya sanksiyalar ro'yxatiga kiritilgan jismoniy shaxslar bilan ish munosabatlariga kirishmaydi.

- Sug'urtalovchi o'z faoliyatini amalga oshirishda qo'llaniladigan sanksiyalar rejimlariga muvofiq Sug'urtalanuvchini yuridik yoki jismoniy shaxs bilan munosabatlarini o'rnatmaydi yoki qo'llab-quvvatlamaydi.
- Sug'urtalovchi sanksiyalar qo'llaniladigan mamlakatlar hukumatlari bilan bog'liq bo'lgan jismoniy shaxslar bilan munosabatlarni o'rnatmaydi.
- Bundan tashqari, Sug'urtalovchi mahalliy qonunchilikda belgilangan boshqa sanksiya ro'yxatlaridan va/yoki Sug'urtalovchining yurisdiksiyasi yoki faoliyat sohasiga tegishli ro'yxatlardan foydalanadi.
- Sug'urtalovchi BMT Xavfsizlik Kengashining 1373-sonli (2001-yil) Rezolyutsiyasi bilan o'rnatilgan sanksiyalar ostida bo'lgan shaxslar bilan ish munosabatlariga kirishmaydi va ularga xizmat ko'rsatmaydi. Turli xil sanksiya rejimlaridan kelib chiqadigan boshqa taqiqlar va cheklovlar mahalliy qonunchilik, sanksiyalar talablari, aniqlangan xavflar va ushbu xavflarni boshqarish manbalariga muvofiq Sug'urtalovchining ichki hujjatlari bilan belgilanadi.
- Sug'urtalovchi Sug'urtalanuvchini identifikatsiya qilish imkonini beradigan va hisobvaraqlar bo'yicha amalga oshiriladigan operatsiyalarning qonuniyligini tasdiqlaydigan ma'lumotlar va hujjatlarni taqdim etishni Sug'urtalanuvchidan talab qilish huquqiga ega.
- Sug'urtalovchi O'zbekiston Respublikasining amaldagi qonunchiligida nazarda tutilgan hollarda Sug'urtalanuvchining hisobvaraqlari bo'yicha operatsiyalarni to'xtatib turish huquqiga ega.
- Sug'urtalanuvchi amaldagi qonun hujjatlari normalari va Sug'urtalovchining ichki hujjatlariga muvofiq so'ralayotgan axborot va hujjatlarni Sug'urtalovchining talabiga ko'ra taqdim etish majburiyatini oladi. Bunda topshiriqlarda mavjud bo'lgan va Sug'urtalanuvchidan so'ralayotgan axborotning to'g'riligi va ishonchliligi uchun javobgarlik Sug'urtalanuvchining o'ziga yuklanadi.
- Amaldagi qonun hujjatlari talablariga muvofiq dastlabki identifikatsiyalashni amalga oshirgandan so'ng, Sug'urtalanuvchini identifikatsiyalash vositasi, shuningdek, arizada va/yoki Sug'urtalovchida mavjud bo'lgan har qanday hujjatda ko'rsatilgan Sug'urtalanuvchining identifikatsiya ma'lumotlari yordamida elektron kanallar orqali Sug'urtalanuvchini identifikatsiyalashi mumkin.
- Sug'urtalanuvchini takroriy va har bir takroriy identifikatsiyalash Sug'urtalanuvchidan olingan ma'lumotning ishonchliligiga shubha tug'ilgan hollarda o'tkazilishi mumkin.
- Sug'urtalanuvchini identifikatsiyalash muvaffaqiyatli o'tmasa, Sug'urtalovchi xizmatlarni ko'rsatmasligi mumkin.
- Sug'urtalanuvchi har qanday yurisdiksiya qonunchiligiga zid bo'lgan har qanday noqonuniy faoliyatda (jumladan, bular bilan cheklanmagan holda, jinoiy daromadlarni legallashtirish, qurol savdosi, giyohvand moddalar savdosi va/yoki terrorizm) bevosita yoki bilvosita ishtirok etmaydi;
- Sug'urtalovchi Tijorat banklarida jinoiy faoliyatdan olingan daromadlarni legallashtirishga, terrorizمنى moliyalashtirishga va ommaviy qirg'in qurolini tarqatishni moliyalashtirishga qarshi kurashish bo'yicha ichki nazorat qoidalariga muvofiq lozim darajada tekshirish o'tkazishga haqli.
- Sug'urtalanuvchi tomonidan noto'g'ri ma'lumotlar taqdim etilgan taqdirda, shuningdek, O'zbekiston Respublikasining amaldagi qonunchiligida hamda ushbu BShda nazarda tutilgan boshqa hollarda Sug'urtalovchi Sug'urtalanuvchining operatsiyalari va hisobvaraqlari bo'yicha harakatlarni to'xtatib turishga haqli va ushbu to'xtatib turish Sug'urtalanuvchi tomonidan yozma tushuntirish berilgunga qadar amal qiladi.
- Agar Sug'urtalanuvchiga moliyaviy/iqtisodiy sanksiyalar qo'llash xavfi mavjud bo'lsa, Sug'urtalanuvchiga sug'urta xizmatlarini ko'rsatishni rad etish.

13-BO'LIM. REKVIZITLAR

“TBC Sug‘urta” Aksiyadorlik Jamiyati

Manzi: Toshkent Shahar, Yunusobod tumani, Abdulla Qodiriy ko‘chasi, 1 uy

STIR: 311 448 947

h/r: 2021 6000 1071 0408 4001

Bank: «TBC Bank» ATB

Bank kodi: 01180

Tel.: +998 78 777 67 67

Elektron pochta: contact@tbcsugurta.uz

Sayt: www.tbcsugurta.uz